

吉林方正縣志

吉林方正縣志

吉林方正縣志序

昔呂尚漁釣慈泉凡溪間垂老相齊五月報政蓋居
民間久齊地輿風俗知之熟也蕭何從沛公咸陽請
將皆爭走金帛財物之府何獨收丞相府圖籍藏之以
此得具知天下阨塞戶口多寡強弱之處由是觀之
官斯土而不知其地其俗知其地其俗而不筆之於
書皆不足與言政也天下者一邑之所積故宰邑曰
知縣今日縣知事惟知之乃能治之知之益深治之
益當切當事理斯人情翕然天下治矣宗熙掌吉林
封疆轄邑三十有九凡所應知者未能盡知喜邑宰
多達材或體民隱或理財政或審兵幾計因地制宜
從俗施政者十居六七方正長楊君幼琢尤余所薦
之卓卓也始治穆稜五月勞而疾疾愈治三月而穆
稜治時方正盜賊猖獗亟亟需賢遂檄移方邑未五

月果殲盜魁靖萑苻民生以安乃序施其撫字又創
修方正縣志舉職方建置形勝祀典之因革賦役之
損益鄉閭風物之異同學校軍旅農林漁獵牧畜之
更新古蹟文藝之搜羅靡不核實明析朗若列眉是
於其所應知者無不知并能知人之所不能知正不
第其地其俗而已也無怪乎報政速而政聲達乎京
畿然則是書也謂為方正之志書可謂為幼琢之政
書可謂為措而施之以一邑例天下亦無不可是為
序

中華民國八年九月長沙郭宗熙拜序於省節署

吉林方正縣志序

縣志備一邑之掌故稽疆域之廣狹審田賦之高下
察戶口之盈虛與夫山川風景河渠溝洫兵刑食貨
學校官廨倉廩浮屠宮觀邱陵墳墓碑碣古跡釋子
仙人淫祠秩祀凡關於一邑風俗歌謠教化興廢人
心純肆邪正四民職業勤惰舉有資於為治者無不
書推而至於士大夫進而立諸朝賢人君子退而隱
諸野三老孝弟之垂訓於閭里貞婦賢女之砥飭於
閨門又莫不為之紀載廣其流傳上供輶軒之采其
他如名官必書流腐必書機祥災異必書兵亂疾疫
水旱陰陽五行之離紀失序亦莫不書所以存勸懲
別麻戚樹風聲其義通於侯國之史其用為守土者
所必要之書前者創之後者因之其在內地各行省
無論通都下國莫不有志而以語乎邊境則患夫楹

樓開疆欵關重譯政教圖籍茫無依據眇不矐目相
視數典而忘其祖者關以東今日成仕國矣忠植宦
吉計已廿有三年由牧令晉擢今職方其任伊通雙
城延吉各州廳時所至輒與都人士討論蒐纂邑乘
勒為成書俾後來有所資考而苦於省志挂漏金史
無徵裴裒肅慎故墟有志未能如宿逋負依蘭所領
十二屬縣大半設治未久方正其一也不獨無以徵
文考獻一切皆謾陋缺略不完聞侯暢幼琢明府毅
然以古之循良自期初任穆邑穆亦轄境已心折其
能及移篆蒞方如捕盜脩城興教勸學數月之內多
所設施其用心亦勤矣至是以縣志告成走一介
齋書函徵言於予錄有自序一首附以凡例并綴風
景詩八章遂受而讀之曰賢哉使君乎且述其尊
水部公庭訓為治當以脩志為先學道愛人締造新

邑獨幸十數年來未副之願邂逅先我以償空虛足
音喜何能已恭讀今
大總統東海徐公頒發循吏舉要所以殷然望治者
於牧令尤三致意焉幼琢以海疆文學之儒衣被荒
裔良有以副此朋好中良有興起賡續以成之者使
所領各屬盡如幼琢之為縣縣事之治盡得如方邑
予雖尸位日久報最無稱所望於同志者何限
乃本此意書而歸之且以告方之人忻喜愛慕以孕
治化之隆幼琢又何嫌簡略無華引椎輪為解行見
日臻富教踵略求詳安知他日無文采風流照耀先
後吾知幼琢朝暮政暇按轡出郊生輝山澤婦孺填
街咽巷擲果聚觀於其所謂八景者益發為詩以暢
其志豈第區區抱此一卷為絃歌莞爾也哉
中華民國八年五月即己未首夏合淝阮忠植公槐

氏序於吉林依蘭道官廨

序

國家之大大而一統小而一邑莫不有志志也者豈徒矜聞見博叢談之謂哉上諸政府供作史之採擇藏諸官齋備從政之師資周官所載小史掌邦國之志外史掌四方之志凡山川風俗閭井氣候世運之升沈民生之休戚教化之醇漓物產之盛衰胥在是也榆關外金遼故地有清游設郡縣實以戒備戎馬為保護根本地官斯土者咨詢文獻輒歎無徵吉林全省都三十九縣縣之有志十無二三步墀前歲宰穆稜地僻瘠每匹馬出郊訪民疾苦暇復追憶先水部公庭訓嘗以牧令一官欲勤民事當修志書為急遂銳意調查閱時未久燠寒失節因病乞假假滿回任六旬檄移方正土地愈廓民事愈繁矣又值匪亂之秋披星戴月東防西剿旁午軍書日無暇給

既幸巨憇就殄四境聿安而穆稜未成之志乃成於
方邑第搜前代之藏書不逢柱下購名流之秘集難
遇班昭不得已履雲尋碑別薛認碣步度道里手拾
雜編每有所得見野老而亦詢之集友朋而互證之
郵數千里而就正之雪夜揮毫風晨拈筆今告厥成
難辭簡陋抑聞之椎輪為大輅之始積水為層冰之
漸然則是書也為後之踵事而增累基而峻者之椎
輪之積水可也是則步墀所厚望於君子者與
民國八年 月 日知吉林方正縣事閩侯楊步墀
序

創修縣志職銜姓氏

纂修

知

事

楊步墀

協修

高等學校教員

王 藹

主校

前奉天雙山縣知事

牛爾裕

分校

承 審

員

王 鏢

勸學所

長

焦萬成

教育會

長

于濬川

農會評議

員

崔景崧

調查

科

員

魏占鼎

科

員

陳星垣

農會會

長

董廷翰

財務處主

任

趙與權

科

員

陳登亮

科

員

謝雨琴

繪圖

委委

員員

胡永祥 李景芳

吉林方正縣志目錄

職方

沿革

建置

城池

縣治

公署

形勝

疆域

地勢

山岳

江河

湖泊

賦役

學務 勸學所 教育會
道路 船渡 軍隊 團防 巡警 村莊 鄉閭
地方 國家 田賦 戶口
捐附 稅附 賦附 口附
表 表 表 表

職業

土產

土宜

種族

氣候

宗教

風俗

風物

講演所

私塾

私立學校

女子小學

國民小學

兩等小學

農業

工業

商業

林業

漁業

獵業

礦業

牧畜

祀典

孔聖廟

關帝廟

城隍廟

拾遺

古蹟

八景附詩